

en fior de cioresar...

'nden nugol de cavei
strengiù che 'l par en giòm
vesin al tò soriso
gh'è 'n fior de cioresar

tut bel davert al sol
l'illumina 'l tò viso
e 'l s'ciara i tòi bei oci
che varda 'l ciel azur

e 'l te 'mpitura dolc
quei sguardi che me sbrigola
color che averge l'anima
sés fior de primavera

e 'l sol che te careza
te fà slusent el vel
che 'l vibra a 'n vent feruscol
'nden spizek de pasion

te sento 'mprofumada
da 'n vent de rasa fresca
che al cör che tase cèt
ghe nina pian el pas

te slanzas lì sul prà
e 'n dindonar lontan
me fà sentirne arent
'sto fior che strengio al pèt

e 'l sluser dei tò' oci
che parla s'cèt da dent
me fà polsar el viver

arent a 'n bòciol bel

en fior de ciarsar...

Giuliano

Questo/a opera è pubblicata con una Licenza Creative Commons

